

Umulimo wa Kufumina Kunse mu Nshiku Ikumi sha Mapepo

(Outreach Challenge for Ten Days of Prayer)

Yesu aletwita te ku mapepo fye yeka lelo na ku kupyungila ubukabilo bwa kumupashi no bwa kumubili ubwa bantu bātushinguluka. “Pantu nali ne nsala, na imwe mwampēle ukulya; nali ne cilaka, na imwe mwalinwenseshe; nali umweni, na imwe mwalinsekelēle; nali ubwamba, na imwe mwalmfwikile; nalilwele, na imwe mwalmpepwile; nali mu cifungo, na imwe mwaliishile kuli ine” (Mateo 25:35, 36).

Mwi būku *The Ministry of Healing* tubelenga ukuti, “Tufwile ukwikala ubwikashi bwa mpetwa-shibili—ubwikashi bwa kutontokanya elyo no bwikashi bwa kucita (ifintu), ubwe pepo lya mutalalila no bwa kubomba kwa cishinka” (p. 512). Twalipokelela ukutemwa ukwingi nganshi ukufuma ku Mupusushi wesu, nomba tuli ne shuko lya kwakanya icitemwiko cesu ku fibusa, ku bena-mupalamano, na ku beni abalekabila.

Ipusheni Lesa ifyo imwe ne cilonganino cenu mwingapyungila bambi panuma ya Nshiku Ikumi sha Mapepo. Ilyo muleteyanisha ifyo mwingacita, mwileka ifyo muleyanshika fimucilinnganye ku mapepo. “Ukutukuta kwa muntu no muntu ukwa kubombela ’bantu bambi kulingile kwatangililwa na ’mapepo ya mu nkāma ayengi; pantu palafwaikwa amāno yakalamba pa kwishiba ’māno ya kupusushishamo abantu. Ilyo tamulasosa ku bantu, lanshanyeni na Kristu. Pokeni ubuteyanisho bwa kupyungila ’bantu bambi ukufuma pa cipuna ca bufumu ica kusenamina kwa mu mūlu.” (*Prayer*, p. 313).

Ishi pe samba e nshila mwingaafwilamo abantu bambi. Salenipo ishalalingana no kukabila kwa bantu mwikala na bo, kabili mube abantungwa ukufumyamo nangu ukulundamo amalangulushi yenu.

- Ipikileni umulwele ifya kulya.
- Lalikeni cibusa/uo mubomba nankwe ku kulongana.
- Peleni ifya kulya ku muntu uushakwata ’pakwikala.
- Pelēniko ifya kufwala ifyo na imwe mwingatemwa ukupēlwa.
- “Sungeni (Adopt)” umukote. Mulemutandalila lyonse no kumwafwako ukushita, ukwipika, nangu ukubomba mwi bala.
- Fumbikeni/(oceni/ipikeni: umukate, fyumbu, kandolo, etc) ifyakulya elyo mwakanyeko abena-mupalamano.
- Afwilisheni mu milimo ya bena-mupalamano.
- Afwilisheniko ukulinda abasungwa fye ilyo ababasunga baya ku mulimo umbi untu bapēlwe.
- Kwatenimo ulubali mu milimo ya pa cipanda.
- Kailondololeni ku mwina-mupalamano mupya ninshi namubasendelako ne fyakulya. Mubalenge ukuyumfwa abapokelelwa.
- Kashiteni ifya kubomfya (groceries) no kufitwala ku lupwa lulekabila.
- Pelēniko umuntu umo amandala (eyeglasses) aya kale.
- Ipēleni ukufundishako licipingo.
- Tandalileni imishi basungilako abalanda.
- Pelēni ndalama ku mwana we sukulu isha kushitamo “ifyakulya”.
- Longanyeni ifya kufwala fya kupēla abalekabila. Kuti mwakūla akamuputule pa cilonganino umwa kusungila ifyo mwingapēlako bambi.
- Pelēni kompyuta wa pamōlu (laptop) wa kale nangu conse icibomfya ’malaiti (electronics).
- Pelēni motoka ya kale..
- Longanyeni abantu ku kusambilila ifya bumi (Organize a “Health Expo.”)
- Tumeni ka citupa (card) ku wa mu cifungo.
- Teyanyeni ifisambililo fya kukonka mu mulimo wa butumikishi.
- Tumeni lamya ku bena-mupalano no kubepusha fye ifyo bali.
- Peleniko umuntu umo ibūku ilyo muletonkanya ati kuli alitemwa.
- Kabiyezi mulefolesha utupepala twa GLOW utusangwa pa mwela (tusangwa pa: <http://www.glowonline.org/>).
- Koseleshenipo umo akupokelela Yesu.
- Sambilisheni abantu ifya kwipika.
- Kabiyezi mulefolesha amabūku yalemwapo ifisambililo fyalekana lekana.
- Twaleni ifyakulya pa cililo ku bantu balelōsha abatemwikwa babo.
- Tandalileni abalwele mu cipatala ukubakoselesha no kuabafwilisha mu nshila imo.

- Belengeleniko abakote.
- Tandalileni ifikūlwa basungilako abaice mwafwilisheko ababomfi.
- Pageni bumba Iya kusambilila ifya kubila nangu ifya kupikula no kupanga ifya kupēla bantu.
- Belengeni Icipingo ku muntu uushimona nangu uushibelenga
- Lalikeni abapungwe ukwisa cesha ubushiku bwa bapungwe pa ng'anda yenu.
- Bombeni mu fikulwa basungila abāna basungwa mu buluku.
- Muyefolesha amabūku mu ncende basungilamo abāna banōno.
- Sendeni abāna ba pa cilonganino cenu muye tandalila abakote. Mwanshike ifya kuya bacitila.
- Mwanshike ukuti mukakwate ubushiku bwa kusansamusha abāna abalemana pamo ne ndupwa shabo.
- Kwateni ubushiku bwa kuwamya incende shimo.
- Pageni ibumba Iya kusambilila ifya kwikala umweo wa būmi busuma pa cilonganino cenu. Lalikeni abena-mupalamano ne fibusa..
- Ipusheni umuntu nga kuti atemwa ukuilunda kuli imwe ilyo muletamba DVD umwaba imbila ya fya kumupashi. Ilyo muletamba pamo, mupepe ukuti Mupashi wa Mushilo alande ku mutima wakwe.
- Sangeni mwe bene ico mwingacita.

Nga mulefwaya ukwishibilapo na fimb pa Iwa kwakanya icitetekelo cenu, tandalileni:
www.revivalandreformation.org/resources/witnessing.